

SOFIJSKA DEKLARACIJA

O

PODSTICANJU POLITIČKE NEUTRALNOSTI I NEZAVISNOSTI
ASOCIJACIJA LOKALNIH VLASTI

predsjednici

asocijacija – članica Mreže NALAS

Sofija, 15. juni 2010. godine

Imajući u vidu pricipe sadržane u Evropskoj povelji o lokalnoj samoupravi, ratifikovanoj od strane skoro svih zemalja članica NALAS-a,

Uvjereni da se EU integracije ne mogu ostvariti bez jakih, modernih i efikasnih lokalnih samouprava¹,

Konstatujući postojanje demokratskog prava i autonomije lokalnih vlasti da se udružuju radi ostvarivanja njihovih zajedničkih ciljeva,

Uvjereni da decentralizacija ne može biti uspješna bez jakih asocijacija lokalnih vlasti, koji su prirodni i često glavni pokretači procesa decentralizacije,

Imajući u vidu status asocijacija lokalnih vlasti kao nepolitičkih organizacija, otvorenih za sve lokalne vlasti, bez obzira na njihove političke poglede, etničku strukturu, veličinu, ekonomski razvoj, itd,

Opažajući neke zabrinjavajuće trendove fragmentacije u pojedinim asocijacijama – članicama NALAS-a,

Mi, predsjednici asocijacija lokalnih vlasti NALAS-a:

Podstičemo lokalne izabrane predstavnike i lokalne vlasti da:

- *Budu aktivni i podrže* svoje nacionalne asocijacije i zahtjevaju korektno zastupanje njihovih interesa ili ubjeđenja,
- *Pokažu zalaganje* za konsolidaciju i koordinaciju aktivnosti u onim zemljama u kojima su asocijacije fragmentirane usljed političkih ili etničkih podjela, pa čak i usljed podjela koje korijene imaju u istorijskom razvoju, odnosno na razlikama između pojedinih tipova i nivoa jedinica lokalne samouprave zasnovanim na zakonskim rješenjima;

Pozivamo centralne vlasti jugoistočne Evrope da:

- *Obezbjede* pravni okvir koji će podsticati saradnju svih lokalnih vlasti pod jednim državnim okriljem,
- *Obezbjede* višu fiskalnu autonomiju za lokalne vlasti,

¹ Na 5. generalnoj skupštini održanoj u Istanbulu, 11. decembra 2009., NALAS je usvojio Deklaraciju o aktivnom uključivanju lokalnih vlasti jugoistočne Evrope u proces evropskih integracija.
<http://www.nalas.eu/publications/NALAS%20ISTANBUL%20DECLARATION.pdf>

- *Povećaju* predvidivost lokalnog finansiranja na osnovu višegodišnje perspektive,
- *Izbjegn*u bilo kakvu formu favorizovanja u distribuciji donacija ili u donošenju ostalih odluka i politika što bi moglo izazvati cijepanje postojećih asocijacija lokalnih vlasti,
- *Budu svjesni* da jaka i ujedinjena asocijacija može biti značajan partner u primjeni vladinih politika i unaprijediti kvalitet usluga građanima,
- *Posredstvom* asocijacija izgrade partnerstva sa lokalnim vlastima koja su od vitalnog značaja za procese evropskih integracija i pristup EU fondovima;

Pozivamo partije i partijske lidere:

- *Da se uzdrže* od bilo kakvog miješanja u unutrašnje odnose u asocijacijama lokalnih vlasti radi svojih političkih i izbornih interesa;

Apelujemo na donatore i međunarodne partnere da:

- *Unaprijede i prošire oblike* podrške razvoju jakih asocijacija lokalnih vlasti iz jugoistočne Evrope,
- Vode računa da neka njihova aktivnost ne prouzrokuje cijepanje asocijacije;

Mi, predsjednici, nastojaćemo da se naše asocijacije lokalnih vlasti:

- *Uzdrže* od bilo kakve forme političkog udruživanja i ostanu politički neutralne,
- *Oslanjaju* na principe nepristrasnosti, postavljajući zaštitu prava i interesa svojih članova iznad bilo kakvih razlika u političkom ili etničkom smislu,
- *Obezbjeđuju* ravnopravno predstavljanje svojih članova u rukovodećim tijelima asocijacija bez obzira na njihove političke stavove, vjersku ili etničku pripadnost, i izbjegavaju bilo kakvu formu diskriminacije zasnovane na ovim kriterijima,
- *Posvete pažnju* interesima različitih grupa jedinica lokalne samouprave (na primjer gradske/seoske, male/velike, etnička struktura),

i, gdje je primjenjivo:

- Radi postizanja jedinstva u svojoj zemlji *iniciraju* dijalog sa ostalim asocijacijama i njihovim članicama, kao i lokalnim zajednicama koje nisu članica asocijacija,
- *Iniciraju* dijalog sa centralnim vlastima radi stvaranja neophodnog pravnog okvira za ujedinjenje asocijacije,
- *Podrže*, pod okriljem NALAS-a, ove procese ujedinjavanja u zemljama u kojima je to potrebno.

Naš cilj je da – do kraja 2012. godine – sve zemlje članice Mreže NALAS imaju jake asocijacije lokalnih vlasti i/ili slične organizacije, ili da bar među postojećim asocijacijama koje predstavljaju i brane zajedničke interese svih lokalnih vlasti u svojoj zemlji, uspostave funkcionalan, koordinativni mehanizam za zastupanje.